

## Cronica dalla Societad da musica Trun Onn da musica 2018/2019

05-10-18

154avla radunonza generala dalla SMT el Centro.

09-12-18

A caschun dil 90avel di da naschientscha d'Otilia Albrecht–Decurtins, Tina Quinter–Weishaupt e Paulina Nay-Flepp ha la SMT concertau silla Casa s. Martin ed aschia gratulau musicalmein allas giubilaras.

29-12-18

Igl onn da musica 2017/2018 va era alla fin per la SMT. Sco usitau sentaupan las commembras ed ils commembers ed entgins gidonters tier nossa sera da ventschidas. Nus havein passentau in'emperneinvla sera da cumpignia ella Pizzeria Centro.

04-01-19

Emprem exerceci dil niev onn da musica. Muort localitads serradas a Trun ha la SMT aviert igl onn da musica ellas localitads si Schlans.

09-02-19

Igl εμπrem punct da preparaziun per il concert annual e per la fiasta Cantunala si Arosa ei ina pintga producziun pil Nordic Culinaric. La producziun il suenter miezdi ella scrivaria dil Tarcisi Maissen ha plaschiu zun fetg als participonts dil Nordic Culinaric. Sper il sport ei era la musica in hobi che fa bein a tgierp ed olma. Suenter ver fatg entgins kilometers culs skis da cuorsa liunga, han ils participonts astgau guder in per bials tuns da brass duront il gentar.

17-03-2019

Sesida dalla suprastonza.

Martina Klaiss ha festivau la gievgia siu 90avel di da naschientscha. Sonda avon exerceci ha la SMT gratulau alla giubilara cun enzacons tocs silla Casa s. Martin.

29-03-2019

Puspei festivescha in habitont dalla vischnaunca da Trun in rodund di da naschientscha. In salid musical ha la SMT astgau far a Giusep Alig che festivescha siu 90avel di da naschientscha.

Ils 13-04 ed ils 14-04-2019

Quella fin d'jamna ei il camp per il concert staus sil program. La sonda havein fatg exerceci naven dallas 13:30 entochen las 18:00. El Café Tschutt havein gudiu ina buna tscheina ed ina pausa fadegiada suenter in intensiv suenter miezdi d'emprova. La dumengia avon miezdi havein aunc fatg exerceci entochen miezdi.

28-04-19

Da dumengi'alva ei la SMT marschada da vitg en ed han accumpignau ils premcommunicants avon e suenter messa cun entginas producziuns.

03-05-19

Emprova generala dil concert annual dalla SMT. Buca tut ei gartegiau, denton las musicantas ed ils musicants ein da buna fei e selegran sil concert da damaun.

04-05-19

Igl εμπrem punct culminont digl onn da musica ei il tradiziunal concert annual. L'emprema gada presenta la SMT il toc da pag "Olympus" per la fiasta cantunala ad Arosa. Sper in interessant program ha la SMT era presentau ina part dil toc da pensum "Synchronized". Biaras interessantas informaziuns ha nossa moderatura dil concert annual Gaby Degonda presentau duront il concert.

12-05-19

Al di dallas mummas ha la SMT engraziau a tut las mummas silla casa s. Martin. Silsuenter ha la SMT sco usitau presentau enzacons tocs sil plaz cadruvi.

Ils 25 ed ils 26-05-19

Camp per la fiasta cantunala ad Arosa. Quella fin d'jamna ha la SMT luvrau intensiv vid il toc da pag e da pensum. La dumengia avon gentar ha la musica presentau suenter intensivs exercecis ils dus tocs a tgi che ha vuliu tedlar.

08-06-19

Tier l'inauguraziun dil curtin dalla Cuort Ligia Grischa ei la SMT marschada cun in plitost pign diember da commembras e commembers da vitg en entochen avon la Cuort. Silsuenter havein nus era aunc astgau dar in pign concert sil plaz.

13-06-19

Concert preparativ per la fiasta ad Arosa a Danis. Las musicas da Danis, Sagogn e Trun han sunau a Danis ils tocs da pag e da pensum. A quella caschun han las treis musicas giu la davosa caschun da sepresentar avon in auditori.

Il 22 ed il 23-06-19

Suenter ina liunga preparaziun ei la fin d'jamna dalla fiasta cantunala ad Arosa finalmein cheu. Arrivai cun il tren ad Arosa ha la musica astgau sepresentar la sonda da miezdi tier la concurenza da marschar. Cun Adrian havein nus aunc fatg el hotel ina cuorta emprova cun differents exercecis per esser pinai per l'emprema presentaziun. Ussa hai giu num seconcentrar e sepinar per la concurenza da marschar. Allas 12.00 uras semetta la SMT si per marschar atras il vitg d'Arosa. Gie basta, ei pluschegna. Ei va denton buca ditg ch'ei plova adina pli e pli fetg e duront la produenziun ploi sco ord sadialas. La SMT recaltga alla concurenza da marschar 91 puncts e contonscha il 5avel plaz en tuttas categorias. In excelent resultat.

Ussa ha ei denton num da seconcentrar per las produenziuns dil suenter miezdi. Allas 16.30 uras ha la SMT las presentaziuns dil toc da pag e dil toc da pensum. Suenter in bien gentar ed il suenter miezdi che mitgin ha saviu tedlar autras musicas, beiber in caffè ni far ina spassegiada entuorn il lag ei la SMT serimnada per sunar en. Cun retard eisi stau aschi lunsch e la muscia ha dau tut e muossau duas fetg bunas presentaziuns dil toc da pag "Olympus" e dil toc da pensum "Synchronized". Cun 89 puncts tiel toc da pag e 94 puncts tiel toc da pensum ei quei in resultat excelent. Negin auter ha fatg aschia bia puncts sco la SMT el toc da pensum, geilira. Ella tiarza categoria vein nus contonschiu il secund plaz. La fiasta ei stada grondiusa. Engraziel a tuts per il grond engaschi.

La dumengia havein sunau suenter miezdi ils dus tocs generals e giu la caschun da tedlar autras musicas e guder il di. Arrivai a Trun, ha il chor cecilian beneventau la SMT alla staziun a Trun. La SMT ei lura marschada da vitg en ed ha astgau prender

encunter differentas gratulaziuns. Engraziel per quella biala supresa. El Café Tschut ei la fiasta aunc ida vinavon.

10-08-19

Eligius e Jolanda han maridau ella baselgia a Nossadunna. Ina gruppa pintga ha suna duront messa. LA SMT ei stada spalier cun ils instruments e beneventau els dus sin quei nieve viadi ella veta. Silsunter hai dau aperitiv ella sala da cultura a Trun. La SMT ha surdau il schenghetg, ina sculptura fatg dalla Claudia Wolf e sunau enzacons tocs.

14-09-19

Quella sonda ha la SMT fatg lavur cumina si Nadels. Nus essan stai 15 personas ed havein rumiau l'alp da pignola. Silsunter havein grilau e magliau si Nadels Davon. Engraziel a quels ch'eiin stai.

06-10-19

A caschun dalla dumengia dil s. Rusari ha la SMT era aunc sunau per ils giubilaris Odilo Caduff (80) e Tresa Mirer.

Il diember actual da commemoras e commembers dalla SMT dumbra 26.

settember 2019

Igl actuar

Andriu Tambornino